

Nunavumi Kavamat Havaktut Naunaiyaqninginik, 2021

Tapkuat inungnut kivgaqtit anginiqpat havaktiyit Nunavutmi. Tahapkunanga inugiaqnit ukiuqaqtut 15 ukiulgit avataanutluniit mikhaanittut 25,000 inungnik tahamani nunatagauyumi, tapkuat katittugit inungnut ilagiyai nunatagauyumi kavamatuqatkutlu havaktit pihimayat mikhaani 7,200 havaktit talvani 2021. Ikhaani 6,600 (92%) havaktut tapkununga Kavamatkut Nunavut (GN), mikhipyani 600 (8%) havaktut tapkununga Kavamatkut Kanata (GoC) Nunavutmi.

Nutaq tuhagakhaq tapkunanga 2021 Nunavut Kavamatkut Havaktit Naunaiyaut (NGES) pilik tuhagakhanik tapkuninga havaktit ihumagiyaunit havavikmingni, tapkuat piyumayat ilitniqnut, ilihautit havakhatlu puqtuhigiaqnit, tahapkualuttauq iglukhait qanuritnit nutaraqaqvitlu munaqni havarini. Ilagiplugitlu, havaktit apiriyayut tapkuat tuluqtautaulaqqinut havaktitauninik Inuit tapkunani Nunavut inungnut kivgaqtit.

Aktilangit Inuit tapkunani Kavamatkut ilagiatut akungani 2016 tamnaluk 2021

Tapkuat tuhagakhat tapkunanga NGES-kut atuqtauniat kavamatkutnit tapkuatlu Inuit timigiyai nalvariangi qanuq ilagiatut Inuit havaktitaunit kavamatkut puqtuninut kivgaqtuini amihutigininut inugiaknit, malikhugu Nakataani 23 tapkunani Nunavut Angirutit. Atiliuriakhaq tapkununga Nunavut angirutit, nunaliyuq ytahamani Nunavut tamnauyalik Inuk naunaiqhimaniatigut talvani malikhugit Inuit ilityquhit atuqpaknitlu, tamna naunaiqhimayuq inminik tamnauyalik Inuk, piqatauyuq nunaluyuq Nunavutmi, uvaluniit tapkunani Nunavutagauyup Iluani.

Tamna ilagiyai tapkuat Inuit Nunavutmi mikhaanipyaktut 80% tapkuat katitlugit inugiaknit ukiulgit 15 ukiunik avataanutlu. Tapkunanga tamaitnit GN-kut tapkuatlu GoC-kut kavamatkut havaktit Nunavutmi, qagliyut 57% tapkuanguyut Inuit 2021-mi, hutqiya talvani 52% 2016-mi. Pititlugu tamna inugiaknia tahamani nunatagauyumi avikhimayuq ayyikkipyakhutik tapkunanga angutit aqnaitlu, aqnait ilagiyai qagliplugu 69% tapkunanga GN-kut tapkuatlu GoC-kut havaktit 2021-mi.

Qaningani nappai tamaita havaktit (48%) tapkuanguyut 30 tikitlugu 49 ukiulgit 2021-mi, hutqiyayut talvunga 49% 2016-mi. Mikhaani 21% tapkuat GN-kut tapkuatlu GoC-kut havaktit Nunavutmi tungaanittut 30 ukiulgit 2021-mi, hutqikhugu tamna 23% 2016-mi. Malikhugu tamna 2021 Kititaunit, tamna akunnihiuqtuq ukiulgit tahamunga Nunavut tamnauyuq 25.6.

Titiqqat 1 - Pusauninga havaktit tapkunani Kavamatkut Nunavut tapkuatlu Kavamatkut Kanata Nunavutmi, aqnaunitigut angutaunitigut, 2021

	Arnat	Angutit
Havaktit atiliuqhimayut manikhugu tamna Nunavut Angirutit	76.2	23.6
Havaktit atiliuqhimaittut malikhugu tamna Nunavut Angingirut	59.6	40.4

Katitlugu Kavamatkut Nunavut tapkuatlu Kavamatkut Kanata havaktiit Nunavutmi	68.9	30.9
--	------	------

Piqaqvik(t): Nunavumi Kavamat Havaktut Naunaiyaqiginik, 2021 ([5226](#)).

Pingahut tapkunanga tallimanity kavamatkut havaktiit Nunavutmi atuinagtumik havalgit

Mikhaani 61% kavamatkut havaktiit havaktut Nunavutmi pihimayai atuinagtumik uvaluniit kiklikhaliqhimaattumik havat 2021-mi, tamna ayyikkuta avikhimania 2016-tut. Tamaita amiakuit havaktiit pihimayai atuinangittumik havakhat tapkunanittut malikni ukiup ilaani, havallaknit, kanturaktitnit uvalunii havakaphuktitni avikhimanit.

Tapkuat GN-kut atuqpakniqhat angitqiyamik naahuriyaulat tapkunani atuinangittuni havaktiit, ilautitlugit angiyumik ilaunit himmautaulakni havaktit himmauhiqhiyutlu ilihaiyt, hutqikninut GoC-kut Nunavutmi. 2021-mi, tungautnuaqhugit 78% tapkuat GoC-kut havaktiit havaktut Nunavutmi havaktut atuinagtumik havahani, hutqiyaunit tapkuat 81% 2016-mi. HUTqikhugit, 59% tapkuat GN-kut havaktiit tuhaqhitaautayut havakni atuinagtumik havaat, ayyikkuta pusaunia tamnatut 2016-mi.

Havaktiit atiliuqhimayut tapkunani Nunavut angirutit tuhaqhitaulaqniqhauyut atuinagtunik hakni tapkunani GN-kut tahapkunangaunganit atiliuqhimaattut, tapkuatli GoC-kut, tamaqmik atiliuqhimayut atiliuqhimaattutlu havaktiit tuhaqhityutayut havakni atuinagtunik havat ayyikkutapyanut puqtunit.

Titiqqat 2 - Pusaunia havaktiit pihimayut kiklilqhimaattut qanuritni tapkunani Kavamatkut Nunavut tapkuatlu Kavamatkut Kanata Nunavutmi, 2021

	Kavamatkut Nunavut	Kavamatkut Kanata	Nunavutmi Katitlugit (Kavamatkut Nunavut tapkuatlu Kavamatkut Kanata Nunavutmi)
Havaktiit atiliuqhimayut malikhugu tamna Nunavut Angirut	63.0	77.1	64.0
Havaktiit atiliuqhimaattut malikhugu tamna Nunavut Angirut	54.7	78.3	56.7
Tamaita havaktiit pihimayut kiklilqhimaattumik qanuritnit	59.4	77.6	60.9

Piqaqvik(t): Nunavumi Kavamat Havaktut Naunaiyaqiginik, 2021 ([5226](#)).

Inuit havaktiit qanipyani malruiqhugit pilatqiyat atuqni Inuit uqauhi havakvikmi

Tamna *Inuit Uqauhi Hapummini Maligaqyuuaq* pihimayai aturiaqaqnit turangayut tapkuat uqauhit havakvikmi qautamaatlu kivgaqtutit piqaqtitni tahamunga Nunavut nunaliuyut nunatagauyumi, nunalikni, kavamatuqatkut inmiguqtutlu ilagiyai havakviuyut. Pilik pingahut aturialgit uqauhit tahamunga nunatagauyumun Nunavut: tpakuat Inuit uqauhi (Inuktitut tamnal Inuinnaqtun), Qablunaatun, tamnal Uivitit.

Apiriyauyarangat naliat tapkuat uqauhit uqalaqtai aturiangi havakvikmi, 42% tamaita NGES-kut kiuyut kiuyat "Inuktitut" 2021-mi, hutqiyaunia tamna 36% 2016-mi. Tamna pusaunia kiuyut kiutyutigiyaat "Inuinnaqtun" tamnauyuq 3%, tamna hunniunaittuq tapkunani 2016-mi.

Ahiattaug pityuhiq qiniqni uqauhiq atuqnia ihumagiyanga atuttialaqaqnit, uvaluniit uqalaqnit, taiguaqni, titiraqnilu kangiqhimanilu Inuktitut uvaluniit Inuinnaqtun havakvikmi. Tamaita, 51% kiuyut uqaqtut ayuittamingnik uvaluniit ilaagut ayuittamnik naliaknut Inuktitut uvaluniit Inuinnaqtun, tamnaluttaug Qablunaatun uvaluniit Uivitit.

2021-mi, 33% tapkunani tamaitni kavamatkut havaktiit Nunavutmi kiuyut "ilaanik" uvaluniit "amihuiqhutik uvaluniit atuinaqtat" apiriyaugangamik aturiakhai Inuit uqauhia havakvikmi, hutqiyaunia tamna 38% 2016-mi. Tapkununga Inuit kiuyut uuminga pusaunia puqtutqiyauyuq tamnaunia 63% kiuyut "ilanikkut" uvalunit "amihuiqhugu uvaluniit atuinaqhugu" apiriyauyarangamik aturiakha Inuit uqauhia havakhutik.

Iliharniq tamnal ilihautit takuyauyuq nakuuniqhaq ihuaqhautaunia ilagiqninut atuqatigiknia Inuit kavamatkutni

Tamna ihumagiyunia Nakataani 23 tapkunani Nunavut Angirut ilagiqnia Inuit piqatauni tapkunani kavamatkut havaktitniq Nunavutmi kivgaqtuiniq puqtunia. Piyaragata kiuyut apiriyauyarangata tapkuat nakuuniqpat ihuaqhautit ilagiqni qaphiuni Inuit havaktiit tapkunani kavamatkut, tapkuat qalliqpat tallimat ihuaqhautit naunairutigiyaat ilagiqni iliharniq uvaluniit havakniahaqhuni iliharniq pilaqnit, tapkuat naunaiqtat taphumanga 43% kiuyunit, kinguagutlu taphumanga ilagiqni havakhutik ilihaqnit pilaqnit (36%), pinahuaqyai inulrammiit pinahuaqtut ilihapallirniqmik (35%), atuqpiqtitai havaktit iglugiyai pilaqnit (31%) nakuuhivalliqnilu iliharniq havaguta (21%).

Iglugiyat qanuritnit

Pilarniq iglukhamun ihumagiyauyuq atuqpiarnia havaktinut havaktitarniq pihimainnaqnilu. 2021-mi, mikhaani 33% tapkuat NGES-kut kiuyut tuhaqhitautigiyaat nayuqtai havaktit iglugiyai, tapkuatli 24% n, 18% lived in anminiq iglugit, 18% nayuqtai inungnut iglugiyauyut, tapkuatli 14% nayuqtai ahiinit atuqtuaqviuyut. Tahapkunanga atiliuqhimagiyunit malikhugu tamna Nunavut Angirutit, 22% uqaqtut nayuqtat havaktit iglugiya, 28% nanminiq iglugit, 30% nayuqtai inungnut iglugiyauyut tamnal 9% nayuqtai ahiinit atuqtuaqviuyut.

Tahapkunanga nayungitat havaktit iglugiyai talvuna naunaiyainiqmi, 7% uqaqtat uuktutigiyaat tamna, pitiugu amihuniqpat kiuyut uqaqtut piyamingnik uuktutigingitat una qanurittunia iglukhaq (62%), uvaluniit pilaqtitaungittut taphumanga (28%).

Nutaraq munariyaunia havarinit havariyaqlu

Tamna 2021 NGESkut apiqhuityutit ilalgit nutat apiqutit nutaraq munariyaunia havarinit, tapkuat pityutaulat inuup pilaqnianut havakniqmik. Tamaitnut, 39% tapkunani NGES-kut kiuyut naunaiqtat angayuqanguyut uvaluniit munaqtiuyut nutaqamik ukiukitqiyaaq taphumanga 12 ukiulgit avataanutluniit nutaraq munariyaualik, tamnaluk 19% tuhaqhityutauyuq ikayuqtuq munarinia kinap ahiata nutarai.

Tikitqayaqtaai atauhiq hitamaunia aviknia tamaita kiuyut (23%) uqaqtut piyalgit havangillagiangi munariakha nutaraq, naliaknik akiliqtat (11%), akilingitat (3%) uvaluniit ilagiktitni tamaknik akiliqtaupluni akiliqtaungittunilu havangitniq (9%). Pitolugu 6% kiuyut naunaiqtat amigaqnia nutaqat munaqhivik tuluqtautiginia havaknit Inuit, avatinnuangani 18% naunaiqtauyut atuqpiqaqtitni pilaqni nutaqiqivit ihuaqhautaunia ilagiaqni qaphiuni Inuit havaktit Kavamatkutni. Hulivalliq, tahapkuat piyalgit nutaraqaaviknik, 22% uqaqtaai tapkuat tatyaa nutaraqaaviktik ihuaqhihimani naamagingitai piyaqaqtainut.

Tuhaqhitaiguaqtumun

Nunavut Kavamatkut Havaktit NAunaiyaut (NGES): tamna qaritauyakkut naunaiyaut tamaitnut Kavamatkut Nunavut (GN) tapkuatlu Kavamatkut Kanata (GoC) havaktit havaktut Nunavutmi. Taman naunaiyaut havariyaayuq tapkunanga kititiyit Kanata, ikayuqtuqtatlu tapkuat Kavamatqatkut-Nunaqaaqtut Havaqatigit tapkuatlu Ukiuqtaqtumi Havaktit Kanata tapkuatlu Havakhat Inuliquititlu Pibvaliatitni Kanata (ESDC). Tamna ilulit pivaliatitauyut tapkunanga Kititiyit Kanata ikayuqtigiplugit tapkuat Nunavut Tunngavik Nanminilgit, tapkuat GN-kut, Pilimmaksaivik (Kavamatqatkut Havakvia Nakuuqpiarninit Inuit havaktitaunit Nunavutmi), tamnaluk ESDC. Tapkuat tuhagakhat katitigini pivigiya taphumunga 2021 NGES talvani akungani Qittiqqautijuq 6 tamnaluk Niqiliqivik 10, 2021.

Nunavut Nunatagaayuq Angirut: Tamna Nunavut Nunatagaayuq Angirut uvaluniit Nunavut Angirut, tamna Angirut sainiqtauyuuq talvani Qiqaijaluaria 25, 1993 tapkunanga Nunavut Tunngavik Nanminilgit, tapkuat GoC-kut tapkuatlu Kavamatkut Nunatsiaq. Tapkuat maligait atiliurniqmun unniqtuqtauyut malikhugu Nakataani 35 uumani angirut. Atauhiq pinahuagaq unniqta malikhugu Nakataani 23 uumani Angirut atuqpiarahuaga havaktikhaqni pihimainaqnilu ilavalliqni Inuit havagiakhai kavamatkutnut piqaqtittugit ilihaqniq uvaluniit ahii ikayutit. Ikayurahuahugit tapkuat GoC-kut nakuutqiyamik pitaqni Nakataani 23 aturiaqaqnit, Kititiyit Kanata apiriyayut havarini tapkuat NGES, qaritauyakkut naunaiyaut aulatauyakhai tatyaa havaktiit tapkuat GN-kut tapkuatlu GoC-kut havaktut Nunavutmi. Tamna 2021 NGES-kut tukliriyat atuqnia tamna naunayaut.

Inuit uqauchia: turangayuq naunaiqninutilagiktitni tamaknik Inuktitut tamnaluk Inuinnaqtun, uvaluniit Inuktut.

Uqauchia ayuitpiaqnia: tamna avikhimayuq puqtunia uqauchia atuttialaqnia piplugu hitamat apiqutit pihimani kiuyut ihumagiyai pilarniqtik atuqnia Inuktitut uvaluniit Inuinnaqtun havavikmi (naunaipkutaripplugu, uqarniq, taiguarniq, titirarniq kangiqhimaniqlu). Kiuyut apiriyaukmuyut piyumayakhai ilitnit uvaluniit nakuuhivalliqni atuttialaqni tahapkuat uqauchit.

Unniqtutit, tuhagakhaqaqvit pityyuhitlu: naunaiyaut nappaa [5226](#).

Tamna Nunavut Kavamatkut Havaktiit Naunaiyaut (NGES) katitiqtai tuhagakhat kavamatkut havaktinit atuhimaninut havakvikmi, tapkualuttauq ilittumani, iliharni havaqmutlu puqtuhivalliqlit.

Tuhaqpalliriami, uvaluniit apiqutigini tapkuat ihumagiyauni, pityuhit uvaluniit tuhagakhat nakuuni uuma hatqitaunit, turaqvigiluta (akiittukkut 1-800-263-1136; 514-283-8300; infostats@statcan.gc.ca) uvaluniit Tuhagakhaliqiyit Havariyai (statcan.mediahotline-ligneinfomedias.statcan@statcan.gc.ca).